

Die Dood van ‘n Troeteldier



Om by hierdie onderwerp met die deur in die huis te val: Jy moet die ooreenkoms sien tussen die dood van ‘n troeteldier in die alledaagse lewe en dié in ons gedagtewêreld of teologie (eenvoudig dit wat ons glo). **Teologie is iets waarmee almal opgroei.** Ons glo wat ons glo. Ons fundamentele gedagtes is ons s’n, ‘n deel van ons op hierdie presiese oomblik, **reg of verkeerd.**

Miskien lyk dit vreemd dat Elohim ‘n alledaagse voorbeeld gebruik, soos om ‘n troeteldier te hê, om te kan openbaar waardeur ons gaan wanneer Hy juwele van ons begin maak deur dinge uit ons lewens te suiwer wat nie daar hoort nie. Eintlik het Hy dieselfde ding gedoen, regdeur die Bybel, deur mense te wys met behulp van illustrasie en demonstrasie.

Die eerste keer wat Elohim vir Roy ‘n persoon se ‘troeteldier’ gewys het, het hy verduidelik dat dit ‘n leerstelling (geloof) verteenwoordig waarin die persoon glo en **nie wil opgee nie.** Die woord ‘leerstelling’ kan soms vervang word met ‘lering’, maar in hierdie geval was die leerstelling (‘n stel gedagtes oor ‘n sekere onderwerp) nog nooit aan die betrokke persoon geleer nie. Dit was bloot iets wat hierdie Christen oorgeërf het, waarmee hy dus grootgeword het, of waaraan hy gewoon geraak het, want dit was die “manier van doen” vir jare lank. Dit was iets wat hy **wou glo**, iets waaraan hy **wou vashou**. Dus sien ons ‘n ooreenkoms tussen om iets wat nie waar is nie **te wil behou** en om **‘n troeteldier te wil behou.**

‘n Troeteldier is nie iets noodsaakliks in die lewe nie; dit is meestal **vir ons plesier.** Troeteldiere is dinge wat **ons verkies** om te hê of te behou. Ons voed hulle en geniet dit om hulle te hê. Sommige is selfs geërf of oorgedra. Wanneer ons ‘n troeteldier vir ‘n lang tydperk gehad het, raak ons baie geheg aan hulle. Dit kan baie pynlik wees wanneer ‘n spesifieke troeteldier doodgaan. In vergelyking is dit dieselfde met wat ons glo oor Vader se Woord. Dit is pynlik om te besef dat jy verkeerd geglo het oor die Woord of **enige onwaarheid** in jou lewe.

Ons onwilligheid om dit prys te gee EN die lengte van die tydperk wat ons ‘n troeteldier gehad het, is direk verwant aan die hoeveelheid hartseer, pyn en dood wat ons ervaar wanneer die dier doodgaan.

In sekere gevalle waar die troeteldier ‘n lewenslange maat was, is daar die gevoel dat ‘n deel van die persoon ook doodgaan, want die dier was werklik deel van die persoon se lewe. ‘n Mens gaan deur smart, rou, geestelike dood en soms woede. Jy weet nie hoe om op te tree nie, want iets is uit jou lewe verwyder. Jy voel skoon anders.

Al hierdie dinge is ook waar in die geval van die dood van vals lerings of vals idees wat ons nie wil prysgee nie. Elke keer wat iemand deur die werklike dood van lank vertroetelde **vals denke** gaan, ondervind daardie persoon hierdie dinge.

Roy sê dat hy self ook deur 'n dood gegaan het die dag toe Vader dit tot hom laat deurdring het dat iets wat hy geglo het, nie waar was nie. Daardie leerstelling, daardie leuen, daardie idee wat deel van hom was, het gesterf. Vader het vir hom 'n waarheid gegee wat onbetwisbaar was. Hy het dit aan Roy in die Skrif bewys sowel as in die fisiese deur demonstrasie. Roy kon egter nie sy vals idees laat vaar nie, want hy sou dan al die vertakings van die waarheid wat Elohim openbaar het moes hanteer. **Hy wou Elohim nie glo nie! Hy sou moes standpunt inneem!** Maar Vader het voortgegaan om die waarheid te voed totdat dit eindelijk die vals leerstelling, wat eintlik deel van Roy was, doodgemaak het. Hy het deur woede en wroeging geworstel. Hy het geweene en hy was gesny tot in die murg van sy gebeente deur pynlike waarheid. Dit was seer! Hy sê dat hy op sy tande gekners het, terwyl hy gedink het: "O V-a-d-e-r, O V-a-d-e-r, dit kan nie wees nie!" Maar Roy het geweet dat dit die waarheid was wat Elohim openbaar het. Hy het die gekners van sy tande ondervind, want die suiwer eenvoudige waarheid het al die leuens ontbloot, sodat hy al die omringende onwaarhede kon opmerk. **'n Deel van hom het gesterf omdat daardie stel foutiewe gedagtes wat deel van hom was gesterf het.** Hy het geklou en geklou aan dit wat hy *wou* glo. Ja, hy het die dood deurgemaak van iets naby en deel van homself: **'n verkeerde stel gedagtes – sy jarelange, geliefde 'troeteldier'!** Roy het vasgehou aan die leuens vir drie jaar en later in sy lewe tydens 'n erediens het Vader hom daaraan herinner: *"Dit het My drie jaar gekos om jou te oortuig van dit wat ek jou aan die begin gewys het."* Eina! Jy sien, dit was nie **Roy se wil** om te glo wat Elohim aan hom gewys het nie.

Trots en hoogmoed betree die stryd rakende ons gewilligheid om ons troeteldiere te laat vaar. Hier moet ons dit as 'n feit besef dat Vader die bruid reinig om geskik te wees vir Sy Seun. Om dit te help verstaan, kan ons kyk na wat in die VSA gebeur het. Tydens 'n algemene kykie na die grondwette van die kolonies, word hierdie bepaling gevind: **"As jou persoonlike lewe nie oop en skoon is volgens Goddelike beginsels in die Bybel nie, kan jy nie 'n pos beklee in die regering nie."** Na die tydperk van die kolonies het 'n nuwe bepaling egter sy verskyning gemaak: **"Jy mag jou pos behou as jy jou werk kan doen en jou persoonlike lewe nie daarmee gelyk gestel word nie."**

Let op die politieke toneel van die dag. Elke skandaal wat openbaar word oor 'n openbare figuur produseer 'n swak beeld. Dit degradeer die regering en veroorsaak dat dit nie glad en deeglik funksioneer nie. Die regering word gedwing om situasies te hanteer wat dit nie behoort te hanteer nie. Die waarheid is dat dit wat in ons karakter is **altyd inmeng of die werkplek affekteer**, hetsy in die regering, of in die kerk.

Of 'n persoon stabiel of onstabiel is, die persoon sal alle situasies beïnvloed waar hy/sy betrokke is. Óf positief, óf negatief. Nou is dit 'n feit dat 'n 'troeteldier' iemand se karakter kan beïnvloed.

Dit is tyd vir die reiniging van die Bruid van Yeshua. **Al die verborge leuens in persoonlike leuens en leiers se leuens moet aan hulle ontbloot word en daar moet daarmee gedeel word. Al die vals leerstellings in die kerk moet ontbloot en mee gedeel word.**

Om te begryp wat gebeur het aangaande die leierskap in die kerk in die verlede, moet ons verstaan dat al die gawes vanaf Vader **sonder berou** is, wat beteken hulle was geskenk en funksioneer ongeag of 'n persoon in die waarheid wandel of predik. Met ander woorde, die gawes van die Gees funksioneer ongeag of iemand se lewe skoon en reg is volgens Bybelse norme of nie. Roy sê hy het altyd gedink dat as 'n gawe in die kerk funksioneer, dan was dit Vader wat bevestig dat wat daar gepredik is, die waarheid was. Dit is egter nie die geval nie! Vader bevestig 'n spesifieke waarheid deur **demonstrasie van daardie waarheid**. Weens die feit dat ons persoonlike leuens altyd ons getuieis en ons posisies in die gemeente beïnvloed, is Vader altyd aan die skoonmaak in ons persoonlike leuens. Dit moet gebeur sodat die vyand nie kans kry om te probeer keer wat Vader doen in die bediening van Yeshua in hierdie laaste dae nie. **Alles is gebasseer op en wys in die rigting van die bediening van Yeshua die Messias**. Die Vleklose Bruid sal Hom vergesel, onaangetas deur menslike swakhede en demoniese invloede.

'n Breër Prentjie

Vader sal nie toelaat dat dit wat hy haat, in die Bruid teenwoordig is nie.

Spreuke 6:16-19 **Hierdie ses dinge haat YHWH, en sewe is vir sy siel 'n gruwel: trotse oë, 'n leuenagtige tong en hande wat onskuldige bloed vergiet, 'n hart wat onheilsplanne beraam, voete wat haastig na die kwaad toe loop, een wat as valse getuie leuens uitstrooi en tussen broers tweedrag saai.**

As ons enige een van hierdie dinge in ons leuens het, sal Vader Hom beywer om dit te verwyder. Ons sal deur 'troeteldiersterftes' in ons persoonlike lewe gaan, want as ons een van hierdie eienskappe het, is dit deel van ons, deel van ons karakter. Dit maak seer om 'n vinger af te sny en dit **maak net so seer om 'n karaktertrek of 'n leuen uit jou lewe te sny!** Vader is in die **karakterverandering besigheid**. Ons het almal dinge in ons leuens waarvan ons nie ontslae wil raak nie, dinge wat ons ego streel al wil ons dit nie erken nie. Die meeste hiervan is onbekend aan ons!

Mense wat in bediening is moet wandel in die waarheid van hulle eie lewe, ongeag wat dit is, om 'n goeie getuie vir Yeshua te wees. Die rede daarvoor is dat ons skynheilig is in die oë van hulle vir wie ons probeer bedien as ons nie wandel (erken) soos wat ons werklik in ons persoonlike lewens is nie! 'n Voorbeeld hiervan is wanneer ons gesondig het en weier om die sonde te erken. Om die sonde nie te erken nie, kan erger wees as die sonde self, want dit kom neer op geestelike hoogmoed, 'n baie ernstige saak! En dit is nie slegs die sonde nie, maar **die ontkenning van die waarheid** wat ons bediening affekteer. [Ons moet ons tekortkominge aan mekaar bely, nie aan die wêreld nie, behalwe vir die doel van bediening aan die wêreld.] As ons iets in ons het wat die erkenning van ons sondes verhinder (die waarheid), sal Vader daardie hindernis moet verwyder. Die rede hiervoor is **dat suiwer waarheid jou vrymaak, ongeag wat daardie waarheid is, alhoewel dit aanvanklik dalk nie so voel nie.** Indien ons verborge dinge in ons lewens het, word ons in 'n sekere sin beheer deur wat ook al ons wegsteek. Dit beïnvloed ons gedagtes. Wanneer ons dinge in ons gedagtes versteek, dan is ons nie werklik vry om te sê wat ons dink nie. Die vyand kan die verborge dinge van ons lewens gebruik teen die bediening van Yeshua wat deur ons en rondom ons vloei. Die vyand sal dit in jou gedagtes doen, sowel as in die gedagtes van die mense wat deur jou lewe beïnvloed word. Dit kan iets eenvoudig wees soos: "Ek kan nie vrylik oor hierdie onderwerp praat nie, want ek kan nie lieg nie en hulle sal my swakhede agterkom." Eenvoudig, is dit nie?

Alles wat Vader met ons doen betreffende ons karakter dui op ons reiniging en **om te wandel in Sy idee van waarheid**, wat suiwer waarheid is, in elke area van ons lewens.

Daardie 'diertjie' wat nog nie op jou skoot kom sit het nie, is nie so moeilik om van ontslae te raak nie. Daarin sal jy **nie die dood van 'n troeteldier ervaar nie**, want dit verg slegs die wegneem van daardie diertjie van jou af, omdat die onwaarhede nog nie werklik deel van jou was nie. Maar die bevryding van ingewortelde dinge wat jy nie wil verloor nie, onwaarhede wat soos geliefde troeteldiere in jou lewe is, **veroorzaak altyd 'n doodservaring** a.g.v. die diepte of greep daarvan op jou lewe. Die ware dood van **jou vals stel fundamentele gedagtes** bring berou, hartseer en 'n gevoel van anders wees, **want jy is skielik anders**. Vader kan die suiwer waarheid aan jou openbaar en daardie suiwer waarheid kan, vir 'n wyle, saam met die vals gedagte of leuen in jou gedagtes bestaan. **Een van daardie twee stelle gedagtes sal egter altyd op een of ander stadium in die toekoms oorwin en sigbaar word in jou aksies.** Dit het met Roy gebeur voor daardie gedagtes of troeteldier eindelijk dood was.

Vader het aan Roy geopenbaar dat daar baie mense is wat 'n waarheid gehoor het, maar wat nie bereid was om hulle ou stel gedagtes te laat doodgaan nie. Hulle weier om die waarheid te aanvaar, selfs wanneer dit deur die Heilige Gees ondersteun is met insig in die Skrif.

Hulle is deur hul troeteldiere verblind (**stelle gedagtes wat reeds deel van hulle is**), daardie idees wat hulle nie wil laat vaar nie, omdat hulle gemaklik is daarmee en daarvan hou. Hierdie is die gedagtes wat die rotsagtige grond in die gelykenis van die saaiër is, want hulle wil nie eens toelaat dat die saad van die waarheid hul redeneringsproses binnedring nie, a.g.v. die **gedagtes wat reeds deel van hulle is en onbewustelik hulle denke beheer**. Mense wil nie die lewe aanpak sonder hulle troeteldiere nie. Mense hou daarvan om te glo wat hulle graag wil glo. Hulle wil nie werk aan enige onwaarheid waarmee hulle saam lewe nie. **Ons kan dit sê, want ons was al daar.**

Troeteldiere kom voor in baie style, vorms, bedekkings en kleure. Troeteldiere bestaan vanaf die fundamentele dinge wat ons glo tot eenvoudige wrokke wat ons wil behou. Maar die basiese diep verandering in ons siele na die nuwe lewe waarvan Elohim praat, sluit altyd die dood van 'n 'troeteldier' in.

Vader het aan Roy geopenbaar dat Hy hom gaan wegvat van boerdery af en in die bediening in. Roy was baie lief vir boer, aangesien dit was wat hy beplan het om die res van sy lewe te doen. Die feit van die saak was egter dat hy moes fokus op Yeshua en sy bediening en dat hy maar daardie droom oor sy boerdery moes laat doodgaan. Sonder die dood van boerdery in sy lewe, kon daar nie 'n volkome nuwe lewe in die bediening wees nie. Roy sê dat die dag toe Yeshua vir hom sê om ook sy kerk te verlaat, was hy verpletter.

Roy sê dat hy die dag onthou toe Yeshua hom aangesê het om die kerk waarin hy opgegroeï het te verlaat. Hy was verpletter oor waarom Yeshua aan hom dit gesê het. Die Sondag wat sy laaste in die kerk sou wees, het aangebreek. Hy was kwaad, seergemaak en hy het anders gevoel, want hy het geweet dit was oor, verby. Iets waaraan hy gewoond was, was weg uit sy lewe. Roy het Vader by herhaling gevra: "*Waarom? Waarom? Waarom?*" Hy het uitdrukkings gebruik soos: "*Is U nie die Elohim wat enigiets kan doen nie? Niks is onmoontlik vir U nie. Kan U nie met my doen wat U wil doen en my in hierdie kerk los nie? Hierdie is my vriende!*" Terwyl hy daardie laaste Sondag op sy bed gelê en voor Vader geween het, het Roy weer vir Hom gevra: "*Waarom?*" Toe kom die antwoord: "***Jy sal nooit die man word wat Ek wil hê jy moet word, as jy bly nie.***" **Met daardie woorde was 'n dood finaal.** Roy het al daardie dinge ervaar wat ons ervaar wanneer ons iets of iemand verloor wat 'n groot deel van ons lewe was. Hy het woede ondervind, berou, smart en 'n gevoel van nie te weet hoe om op te tree nie, want hy was skielik anders en hy het geweet dat omstandighede ook nou anders sou wees. **Hy het 'n stel gedagtes oor sy toekoms verloor wat in sy verstand was. Roy het reeds onbewustelik beplan gehad vir hom en sy gesin.**

Met daardie woorde: "***Jy sal nooit die man word wat Ek wil hê jy moet word, as jy bly nie,***" het sy genesing begin manifesteer!

Jou aanvaarding en begrip van suiwer waarheid is direk verwant aan jou genesing na die dood van jou troeteldier.

As jy net 'n gedeelte van die waarheid erken, of nie al jou troeteldiere (leuens) wil los nie, sal jy nooit die volkome genesing ervaar van die leuen wat uit jou geskeur is nie. Daar is 'n gesegde: "Die waarheid sal jou vrymaak maar eers sal dit jou miserabel laat voel." As jy al die dood van 'n troeteldier van jou ervaar het, sal jy dit kan verstaan. Roy het vasgehou aan wat Vader geopenbaar het, wetende dat die waarheid ware genesing bring vir situasies en verhoudings. **Die kennis van die doel en die begrip oor waarom hy daardie kerk moes verlaat, het die weggaan se wonde genees.**

Die probleem met troeteldiere tree in werking wanneer die dier wat jy liefhet en wil behou, 'n beherende faktor van jou lewe word. Om die waarheid te sê, daar moet nog 'n geopenbaarde 'troeteldier' gevind word (geopenbaar deur Vader in die geesteryk) wat nie deels in beheer van die persoon se lewe was en iewers probleme veroorsaak het nie. Selfs in die sigbare wêreld moet jy jou troeteldier voer, versorg en aandag gee – of toesien dat iemand anders dit doen. Dit verrai die feit dat 'n troeteldier altyd 'n deel of area van ons lewens beheer. Troeteldiere, vals leerstellings en onwaarhede verg **tyd en moeite** om aan te hou, selfs al besef ons dit nie.

Roy sê hulle het gesien hoe Vader waarheid onthul deur profesie. Hulle het Hom opdragte sien gee deur profesie. Hy het gesien hoe daardie mense wat dit (profesie) ontvang het, as gevolg van hulle troeteldiere (idees) **groot moeite** doen om daardie troeteldiere (vals leerstelling of rigting) as reg te bewys. Die "Ek glo dit nie," sonder dat hulle ondersoek, verrai die moontlikheid van 'n troeteldier. 'n Kerk kan 'n troeteldier wees, so ook 'n denominasie, ideologie, teologie, selfs vooroordeel en selfs net die dra van 'n wrok. Al hierdie kan 'n **vals stel gedagtes** verteenwoordig van iets waaraan ons wil vashou terwyl dit **die teenoorgestelde is van Vader se gedagtes**. Ons klou dan aan iets vas wat nie noodwendig waarheid is nie en 'n blatante leuen mag wees. Hierdie dinge word ons troeteldier **sodra ons aan hulle bly vashou**. *"Daar kan tog nie iets verkeerd wees met dit of dat nie."* / *"Ek hou van hierdie kerk."* / *"Ek verkies om dit te glo, want ek het daarmee grootgeword."* / *"YHWH ken mense se harte en sal hulle nie oordeel oor hulle verkeerd geglo het nie"*. / *"Ek verkies om dit te glo, want so-en-so kan nie verkeerd wees nie."* / *"Ag, ek is nou te oud om te verander"*. / *"Ek is in hierdie kerk gebore en hier sal ek doodgaan"*. / *"Vader is 'n Elohim van genade en Hy sal verstaan"*. **Hierdie is ernstige troeteldiere, troeteldiere wat ons lewens beheer en ons van bruidskap kan weg hou!** Mense, daarom het die vleklose gemeente nog nooit tevore op die aarde bestaan nie! Het ons 'n leerbare gees?

‘n Gevaarlike Troeteldier

Om die suiwer waarheid volkome uit wat die Skrif sê, te verstaan, moet jy weet wat die Skrif **nie** sê nie.

Die gevaarlikste troeteldier behels Bybelse oortuigings. Roy het eenkeer met iemand gepraat oor dié spesifieke persoon se vaste geloof in dit wat hom verkeerdelik geleer is: dat jy gedoop moet word om die ewige lewe te kan verkry. Met ander woorde, die dwaling dat die doping in water jou siel red. Roy het hom gewys wat Paulus leer: **dat dit jou geloof in Yeshua en die belydenis van jou mond is wat aan jou die ewige lewe skenk**. Maar die persoon het geen reaksie getoon nie. Hy het verder aan die man gesê as doping in water jou kon red, dan was dit nie nodig dat Yeshua gekruisig was nie, want doping in water was reeds deur die Judeërs toegepas. **Hy het saamgestem**. Hy het ook aan die man gesê dat die rower wie aan die kruis langs Yeshua gehang het en wie **saam met Hom in die Paradys sou wees**, nie gedoop was nie, maar tog gered. Toe het die man gesê: “Miskien was hy gedoop voordat hy gekruisig is!” Hy het gelag en weggestap. Op daardie oomblik het die valse lering oor die doop sy ‘troeteldier’ geword, iets waarvan hy nie wou afstand doen nie. Hy wou nie sy troeteldier laat doodgaan nie, want dan sou hy sy eie lewe moes verander en hy wou nie standpunt inneem teen ‘n klomp dinge en mense nie. Feit is: hierdie leerstelling oor die doop kan mense laat hel toe gaan! **Gevaarlike troeteldier...**

Dit is nie so erg nie

Roy sê hy reken die volgende is die eenvoudigste voorbeeld van ‘n skadelike troeteldier: In sy eerste huwelik het Roy se vrou vir hom gesê dat hulle huweliksprobleme het. Selfs sy dogters het dit vir hom gesê. Hy het egter verkies om ‘n onwaarheid te glo deur te dink hulle bewerings was nie werklik waar nie. “Dit is nie so erg nie!” het hy gedink en hy het verkies om die waarheid te ignoreer en het geweier om te ondersoek wat aan hom gesê was. Hy het die waarheid gehoor, maar het nie geluister nie, **Hy het die waarheid verwerp sonder om dit te ondersoek want hy kon nie die moontlike gevolge daarvan in die gesig staar nie**. Hy sou moontlik met iets moes deel wat hy nie wou nie. Hy het geglo dat dit nie met hom kon gebeur nie! Hy het self erken dat hy hooghartig was deur te glo wat hy wou glo – dit was sy ‘troeteldier’. Om te glo wat hy verkies het om te glo. **Roy het ‘n leuen geleef, nl. “Daar is nie werklik iets verkeerd nie, dit sal verbygaan.”**

Toe die egskending aanbreek het Roy die dood gesmaak van die leuen wat hy as troeteldier aangehou het. Sy troeteldier was beslis nie goed vir hom nie en het eindelik vir hom en sy familie groot skade berokken.

Roy sê dat elke troeteldier deur Vader openbaar,
het op een of ander manier skade aangerig!

Waarheid

Waarheid deurstaan alle dinge. Dit hou vir ewig en oorkom alles. Dit manifesteer altyd en vlek leuens oop. As dit nie in hierdie lewe manifesteer nie, sal dit aan jou manifesteer met die ontbloting van alle leuens wanneer jy oorgaan in die volgende lewe – op Vader se tyd. Daar is altyd 'n gekners van tande wanneer leuens openbaar word deur aanskouing van suiwer waarheid. Mense wat ontken **wat Vader openbaar het** oor redding, sal op hulle tande kners wanneer hulle die waarheid aanskou, **weens die eenvoud daarvan!**

'n Getygolf

Roy was, terwyl hy op 'n dag met die kanaalroete in Wichita, Kansas langs gery het, deur Vader iets gewys, naamlik: **die krag en die mag van die menslike gees**, gekombineer met die **wil van die mens** – om te glo en lering te gee wat hy wil. **In 'n breuk van 'n sekonde het hy nie net predikers in die kerkewêreld en onderwysers in die sekulêre wêreld gesien nie, maar ook die konings van gister en die kulture en tradisies van lande wat die leuens van hulle burgers verswelg het.** Hierdie krag was soos die krag van 'n reuse honderd en vyftig meter getygolf wat mense verswelg, maar dit was sag en daarom onopgemerk deur die slagoffers. Hierdie ondervinding het sy begrip van ons **wil** om ons troeteldiere te behou (te glo wat ons wil glo) direk aangespreek.

Vader handel direk met ons troeteldiere deur die waarheid **met die natuurlike** te belig deur Sy Gees. Hopelik, breek en vermoor dit ons hoogmoed en ons 'troeteldiere'.

'n Vriend van Roy het hom eendag vertel dat as iemand **nie wil erken hy het 'n probleem nie, sal dit nie herstel word nie.** Vir drie jaar wou Roy nie die probleem erken wat Vader hom aan die begin gewys het nie. **O, die krag van die menslike wil!**

Twee Troeteldiere

Roy was op 'n dag in die gees die twee honde van twee families gewys. Hulle het in 'n pad bymekaar gekom en was aan die gereedmaak om te baklei. Die een het oortree op die ander se veronderstelde terrein. Die twee diere het dinge in hulle eienaars se lewens verteenwoordig wat onbybels en onnodig was. Hulle het dinge verteenwoordig wat Vader uit die eienaars se lewens wou hê. Daar het moeilikheid gebroei tussen die twee families vanwee die troeteldiere en hulle veronderstelde terrein. Daardie troeteldiere moes doodgaan, want hulle het ingemeng by dit waarmee Vader werklik besig was!

Elke 'troeteldier' wat Roy gesien het soos dit deur Vader aan hom deur die Gees geopenbaar is, het **'n leuen** verteenwoordig en dit was iets waarvan die eienaars **gehou het** en **wat hulle wou behou**.

Klou ons aan ons 'troeteldiere', of laat ons hulle toe om te sterf? As jy nog nie die ervaring gehad het van woede, berou en smart oor die dood van jou troeteldier nie, saam met die gevoel van om nie te weet hoe om op te tree nie, klou jy nog vas aan daardie troeteldier. Dan het **jy nog nie werklik swaar gekry of die volkome dood daarvan ondervind nie**.

Gedagtes

Die Sterfgeval (van 'n 'troeteldier') is nodig vir 'n ware bekering na 'n nuwe lewe. Let op 'n saad. Kyk na Yeshua aan die kruis! **'n Sterwe is nodig om deel van die Vleklose Bruid te kan word.** Soms blameer mense die duivel vir die ongemak van Vader se reiniging. Dit is weens gebrek aan begrip van wat besig is om te gebeur. Die duivel is nie die openbaarmaker van leuens in ons lewens nie. Hy wil hê jy moet daardie leuens glo en hulle uitlewe en nie bevry word deur die waarheid nie. **Dit is Vader wat die waarheid openbaar en so die leuens blootstel.** 'n Nederige, leerbare gees is nodig om onself te bevry van vals leringe.

Vals Oortuiging

Roy sê hy het, nadat hy die ewige lewe ontvang het, die valse oortuiging dat hy homself verander het voordat hy gered was, oorgedra na sy geredde lewe. Hy het nie die leuen vervang met sy ware reddingsondervinding *deur belydenis* nie. Hy was besig om op 'n dag 'n Skrifgedeelte te misbruik deur dit – om sy eie redenasie te pas – aan 'n man te kwoteer en toe het Vader agterna dit met hom opgeneem. Vader het aan hom gesê: **“Die leuens wat uit jou mond kom...”**

Dit is maklik om die Woord van Elohim te misbruik. Ons neig om dit te glo wat ons geleer was net na ons verlossing, dus word dit deel van ons. **Daarom het dit ons fundamentele geloof geword, reg of verkeerd.** Ons gebruik onbewustelik daardie gedagtes as die verwysingsraamwerk om te weet en te oordeel wat waar is oor Vader se Woord en wat nie.

Ons moet ondersoek wat uit die Heilige Gees voortkom in die lig van hoe die Heilige Gees onderrig gee: vergelyk geestelik met geestelik (1Kor. 2:13), deur die totale Skrif; en in die lig van Vader se bevestiging of demonstrasie van die waarheid.

In die lig van bg. stelling en vermelde Skrif, weet jy dat wat jy glo is die waarheid, of glo jy wat jy glo is die waarheid? **Het jy alle dinge beproef soos die Bybel ons opdrag gee?** Vader beheer nie wat mense glo nie. Hy het ons met 'n vry wil geskape, wat deel is van Sy eie beeld.

Roy het eendag met Vader geargumenteer en toe sê Vader vir hom in 'n harde stem: ***"Dit is soos dit is!"*** Een gedagte na hierdie woorde wat Roy ontvang het was: "Dit is die simpelste antwoord wat ek nog ooit gehoor het, dit los niks op nie!" Drie dae later het die begrip op hom afgerol: ***"Alles is soos Ek sê dit is. Jy kan aangaan om te glo wat jy ook al wil glo, maar dit sal nie die waarheid verander nie."*** Het jy die ***"Jy kan aangaan om te glo wat jy ook al wil glo..."*** gesnap? Ons wil is ons wil – baie kragtig – en soms **verblind ons eie wil ons** so dat ons nie die waarheid kan hoor of sien nie.

Yeshua sal sy Vleklose Bruid hê en sy sal opreg wees in waarheid en in karakter – nie iets wat ons as mense vlekloos noem nie, maar wat nie vlekloos is nie. Die Bybel sê daar sal in die laaste dae vals leerstellings in die kerke wees, onderwysers ewig studierend, maar nooit in staat om iets te leer nie. En jy sê: "Maar dit is die een straat af, nie ons s'n." **Wel, welkom by die "Troeteldiere lewenslank" klub! Lidmaatskap is gratis, maar die voordele is so duur!**

Ons het al hierdie dinge geskryf om jou te help verstaan wat aan die gebeur is as Vader YHWH jou van 'n leuen verlos. As jy kan agterkom wat aangaan, sal jy dit gouer aanvaar en genesing en aanvaarding van die verlossing van die leuen sal makliker en korter wees. Roy sê hy weet. **Hy was al daar.**

Hier is Roy se opmerkings om jou denke aan te spoor...

1. Probeer Vader jou beweeg? Jou verlede kan 'n troeteldier wees. Vader neem jou na die toekoms in Hom. Hy het gesê: **"Laat los daardie goed uit jou verlede."** Soms gaan ons saam met Yeshua, maar met 'n tou aan iets van die verlede vasgemaak sodat ons dit altyd met ons s-a-a-m-s-l-e-e-p. Ons probeer heelyd om dit by ons huidige lewe in te bring en dus ook by ons toekoms. As ons aanhou om hierdie goed saam te sleep, sal ons nooit wandel in die vryheid wat Yeshua vir ons in die nuwe fase in ons lewe gebring het nie. Wat is die item, aandenking, herinnering, leerstelling, belydenis, bediening, diens, ens. wat jy nie kan los nie? Is dit verby? Indien wel, laat dit gaan!
2. Daar is mense wat sê (lering gee) dat **Elohim nie met 'n mens praat nie, of dat Vader nie bestaan nie**. Ander sê weer **daar is nie meer profete of apostels nie**, of dat Hy nie regtig bedoel het dat ons (Christene) tot eenheid in die geloof sal kom nie. Die lys van sulke 'wysgere' gaan aan en aan. Al hierdie dinge is 'n **troeteldier van die mens** waaraan hulle vasklou – sodat hul nie nodig sou hê om iets aan hulle eie posisie te doen nie. Of miskien het hulle nog nooit Elohim se stem herken nie; of nie geweet dat die Ou en Nuwe Testamente voorspel het dat daar in die laaste dae profete en apostels sou wees nie. **Wat 'n tragiese wyse om die Skepper te ontmoet (dit kan enige dag gebeur), in ontkenning van wat Hy gesê het!**
3. Roy sê hy wens ons kon sien wat Elohim aan hom geopenbaar het: **die krag van die wil** en die krag van die **mens se gees** om te preek en te onderrig wat die mens wil glo.

Hoe kom al ons troeteldiere oor die weg?



Kyk,

*"Ek Het die Wit Perd van
Openbaring 19:11 Gesien."*

www.takehisheart.com

Gratis DVD video aanbieding

"Demonstration of God's Covenant"

Subtitels

Salvation: The Hedge of Protection – Tithing

Take His Heart to the World Ministries
PO Box 532
Wellington KS 67152

Mat 10:26

Vrees hulle dan nie; want daar is niks bedek wat nie ontdek sal word nie, en verborge wat nie bekend sal word nie.

Lees oor, “Elohim se dag van wolke”

Die ***Boek van Herinnering*** soos
beloof in Mal 3 is hier:

www.takehisheart.com

Gratis Boek
Nie te Koop